



## Reglur um skilti í Fjarðabyggð

### 1. gr. Markmið

Að hafa stjórn á stærð, uppsetningu og staðsetningu skilta í Fjarðabyggð þannig að þau ógni ekki öryggi akandi og gangandi vegfarenda.

Að skilti séu íbúum bæjarins ekki til ama eða óþæginda og að þau hafi ekki spillandi áhrif á umhverfi og ásýnd sveitarfélagsins.

Að auðvelda afgreiðslu umsókna um skilti.

### 2. gr. Gildissvið

Reglur þessar eru settar sbr. ákvæði Mannvirkjalaga nr.160/2010 og byggingarreglugerðar nr.112/2012. Um skilti utan þéttbýlis gilda einnig ákvæði 35. og 43.gr. náttúruverndarlaga nr.44/1999 og um mannvirki á vegsvæðum gilda ákvæði vegalaga nr. 80/2007.

Reglur þessar gilda um hvers konar skilti og auglýsingar sem sótt er um leyfi fyrir hjá eigna-, skipulags- og umhverfisnefnd.

Undanþegin ákvæðum þessum eru þó:

- a) skilti sem gefa til kynna heiti, starfsemi, vöru, þjónustu og afgreiðslutíma fyrirtækja/stofnana á viðkomandi lóð og eru minni en 1,5 m<sup>2</sup>.
- b) skilti innan lóða allt að 2,0 m<sup>2</sup> að stærð sem ætlað er að standa skemur en tvær vikur.
- c) skilti sem sett eru upp samkvæmt ákvæðum umferðarlaga.
- d) auglýsingar á ípróttaleikvöngum enda snúi þær inn á við að leikvanginum.
- e) auglýsingar sem eru órjúfanlegur hluti af hönnun byggingar.
- f) bráðabirgðaskilti sem veita upplýsingar um nýbyggingar, breytingar eða viðgerðir á mannvirkjum séu þau staðsett á viðkomandi lóð og eigi stærri en 3,0m<sup>2</sup>. Á þessum skiltum skulu aðeins koma fram upplýsingar varðandi mannvirkið, þær framkvæmdir sem um er að ræða, upphafstíma og verklok framkvæmdanna og þá sem að þeim standa.
- g) lausaskilti (skilti sem ekki eru með varanlegum festingum við jörð eða mannvirki, t.d gormaskilti eða dagskilti) sem að jafnaði standa aðeins á opnunartíma starfsstöðvar. Stærð skilta skal ekki vera meiri en 0.75m<sup>2</sup> og skulu skilti vera innan lóðarmarka starfsstöðvar.
- h) Viðburðarskilti (skilti sem ekki eru með varanlegum festingum við jörð eða mannvirki, t.d gormaskilti eða dagskilti) sem að jafnaði standa aðeins stutta stund til kynningar á viðburðum eins og bæjarhátíðum, tónleikum, ípróttaviðburðum eða öðrum sambærilegum viðburðum. Stærð skilta skal ekki vera meiri en 0.75m<sup>2</sup>.



### 3. gr. Skilgreiningar

Með orðunum skilti og auglýsing og öðrum samsvarandi orðum er í reglum þessum átt við hvers konar texta, myndir eða myndverk ásamt tilheyrandi auglýsingarstandi, glerfilmu, borðum, spjöldum og öðrum sambærilegum tilfæringum, sem ætlað er að vekja athygli almennings á vörum, þjónustu eða starfsemi hvers konar. Gildir þá einu hvort þau eru hreyfanleg eða föst eða komið fyrir til lengri eða skemmri tíma, hvort þau eru á einkalóð, opinberu svæði eða mannvirki né hvernig þeim er komið fyrir, t.d. hvort þau eru máluð á húsvegg, mynduð með lýsingu eða með öðrum sambærilegum hætti.

### 4. gr. Staðsetning

Skilti einkaaðila og fyrirtækja skulu staðsett innan þeirra lóða eða með samþykki lóðarhafa. Við staðsetningu skal þess gætt að þau gangi ekki á rétt nágranna. Leyfi allra lóðarhafa þarf til þess að staðsetja skilti og eða auglýsingu innan lóðar.

### 5. gr. Umsóknir

Hver sá sem óskar leyfis til að koma fyrir skilti eða auglýsingu sem ekki er undanþegin leyfisveitingum sbr. ákvæði 2. gr. reglna þessara skal til þess sækja um byggingarleyfi á íbúagátt Fjarðabyggðar.

### 6. gr. Leyfisveitingar

Byggingarleyfisumsóknir sem falla undir ákvæði 2.5 kafla byggingarreglugerðar nr. 112/2012 skulu lagðar fyrir eigna-, skipulags- og umhverfisnefnd til afgreiðslu ásamt þeim umsóknum sem ekki eru undanþegnar leyfisveitingum sbr. ákvæði 2. gr. reglna þessara.

### 7. gr. Eftirlit

Eftirlit með skiltum og leyfum fyrir þeim er í höndum byggingarfulltrúa. Hann skal ganga úr skugga um að uppsett skilti séu í samræmi við leyfi.

Fjarðabyggð 26. júní 2019

  
Karl Óttar Pétursson  
bæjarstjóri



Samþykkt í eigna- skipulags- og umhverfisnefnd 18. júní 2019  
Samþykkt í bæjarráði 24. júní 2019  
Samþykkt í bæjarstjórn 25. júní 2019